


DITÈÈKA DYÀ BALAMI

 Nènku, mbwena kwamba ne, cyà kumpàla nditèèka dyà balami kampànda mu èkèleeziyà. Nènku èkèleeziyà wetù mukesè ewu mmudishikàmìne. Kèna ne dìngumba anyi ní ncinyi bwà kumutùma balami bèndè to, ùdi ùdisungwila balami bèndè. Ùdi ùdisungwila mpaasàtà wendè, ùdi ùdisungwila balubuludi bèndè, ùdi ùdisungwila cintu cyònsò cidi cibwela ne cidi cipàtuka mu èkèleeziyà. Kakwèna muntu udi ne mwàkù wà kwamba ní mpa cinyi cyònsò nkàayende to, ng'èkèleeziyà. Nènku èkèleeziyà ng'aba bàdì bàlwa ne bàtwa èkèleeziyà nyama ku mikolo ku dilwa dyàbò, ne byàdikumi byàbò ne milàmbù, bôbò mbàdì misangu yònsò ne díyì dyà kwamba didì ne bukenji mu kutèeka kwà bàà mùshindù ewu.

2 Nènku ndi muswè kusàkidila kasùmbu kashààle kàà balami, ne ndi ncyàmbila kuumukila mwab'ewu bwà èkèleeziyà yònsò. Byòbì ne bàmwè bàà ku bàna bèètù abu bàdì mwab'ewu, biinè abu ke Mwanèètù Cox, Mwanèètù Fleeman, ne Mwanèètù Higginbotham ne Mwanèètù Deitzman, mbatwenzele mudimu mwìmpè, benzèle Mukalenge, mu tabernacle emu.

3 Nènku ku musangu ne ku musangu, bilondèshìle tunungu twà èkèleeziyà, cidimu cyònsò, balami anyi balubuludi bàdì bàjikija dyàkàmwè mudimu wàbò. Nènku bôbò baswè kwalukila, mbìmpè. Bôbò kabàyi baswè kwalukila, díbà adi bàdì mwà kutèeka bantu bakwàbò pa myaba yàbò, bu mùdì aka kasùmbu kalekèlè.

4 Nènku dilòlòlò adi mvwa mubiikile kasùmbù kàà balubuludi, kiinè aku nkasùmbù kapyakàpyà kàà balubuludi. Mvwa mumòne Mwanèètù Luther McDowell kaaba aka dilòlòlò edi, tudi ne disànkà dyà kumumòna mulwè, ùvwa mu kasùmbù kàà kale kàà balubuludi. Mvwa muyè lumingu elu bwà kujandula ne kulondesha bwà kwenzeja fotòcopi, wìkalà ne cyà kuleejiiibwa kùdì èkèleeziyà, kàbìdì. Bwà ne balubuludi bàà èkèleeziyà mpindyewu ki Mwanèètù William Morgan, Mwanèètù Mike Egan, ne Mwanèètù Banks Wood, ne Mwanèètù Roy Roberson. Nènku bònsò mbàà mu cimenga emu, pa kuumusha Mwanèètù Roberson udi musòmbèle pankaci pàà bimenga bibidì. Mukalenge mmumòne ne bantu abu mbakùmbàne, ne bàvwa bantu bàà kuneemekiiibwa, ne mbapètè mpindyewu bujitu bu balubuludi bàà èkèleeziyà ewu.

5 Nènku díbà divwà masangisha aa àtùngunuka, ne bàngàmbidì kùdì mpaasàtà mukwàcishi bwà twètù, kusungula kasùmbù kapyakàpyà kàà balami, bu mùdì aba bajikije cyàbò cikondo ne—ne balekele, nànkù awu bìvwà bìkèngela kusòbola balami bakwàbò kàbìdì. Mpindyewu, èkèleeziyà... Mùshindù

ùdibi byenjiibwe, ngwà ne, kasùmbù kàdi mwà kufunkuna balami, bantu bàdibo bamanyàngàne naabò ne bàbàsàngàne ne mbààkuneemekiibwa ne bantu baakàne.

⁶ Mudimu wa mulami mmudimu munène menemene, ne luumù lunène kùdi Mukalenge bwà kwikala mulami mu èkèleeziyà. Nàнку awu, mu disangisha dilòlò adi, bàvwa bantèèlèle muntu kampànda. Kàdi patwátwidyanganyi ne mpaasàtà, òvwà dilonda. . . diitaanu dishààle edi, bìvwà biitabijiibwe kùdi muntu ewu ne bantu aba bàvwa bantu bààkuneemekiibwa ne bantu baakàne.

⁷ Nsongààlùmè kampànda uvwabò bapetè, kàvwa mukùmbàne menemene to (kabìyi ne mbwalu kàvwa muntu wa nsongo to), ewu uvwabò batùlèèje kùdi umwe wa ku bantu bààkuneemekiibwa bàà mu kasùmbù kèètù kàà balubuludi. Kàdi patwatwidyanganyi ne mpaasàtà, ke mèmè kukonka bidimu byà nsongààlùmè, ùcìvwa ku mbangilu kwà bidimu makumi àbidi ne byà mu njila. Muntu mulelèlè, mwakàne, ne wakuneemekiibwa, kàdi twètù kulwa kujandula ne ùcìvwa mujikè. Bible ùdi ùlomba ne mulami ìkalè musele. Ùdi ne cyà kwikala mulùme mwena mukàji umwe.

⁸ Ne pashiishe muntu mukwàbò uvwa muntu wakuneemekiibwa menemene, mukùmbàne menemene bwà mudimu ne uvwa mufwànyine kwikala muntu wa lulamatu, mùvwà mwanèètù mumulèje. Pashiishe paanyimà pàà dilondesha dyà bwalu abu, nènku mwanèètù awu ùcìvwa ùbwelelakù mu Diitabuuja edi, mukàjèndè kí mmuDiitabùuje to. Nènku ki cyòci aci kutùulaci muntu awu nsalà ku mudimu awu. Bwalu ùdi ne cyà kwikala ne díkù dyèndè dyònsò òmukòòkela, bàdi ne cyà kwikala pààbò mu Diitabuuja, bwalu mbifwànyine kwikala ndululu.

⁹ Nènku tudi munkaci mwà kwibaka, ne tudi tujinga kutèeka èkèleeziyà ewu pa kaaba. Nènku bu mukùlù wa ku mutù wa èkèleeziyà, ndi ne cyà kumòna ne mmulamiiibwe, bilondeshile Mifundu, kantu ne kantu kònsò kashindameene pa Dìyi.

¹⁰ Ne pa nàнку ki bwà cinyi, díbà adi, bìvwà bisangànyiiibwe byanyishiibwe kùdi kasùmbù ne mpaasàtà, ne mutàngidi wa ku mutù, bwà kusungula mu musùmbà ewu wà bantu batùdi twela meeji ne mbantu bààkuneemekiibwa ne baakàne. Tudi twètù ànu mwà kulwa naabò. Nènku bìdi ne, díbà adi, bàdi bàsungudiibwa kùdi èkèleeziyà, ku disungula dyàbo bòbò nkàayabo. Ne pashiishe ki bantu aba kwenzabò mudimu, piikalàbo búmvwe ne nebiitabè mudimu ewu. Díbà adi nebàlwe bwà cikondo cìpi, bwà kumòna ne bàdi pàmwàpa bùumvwa ne Nzambi mmubàbiikile. Ne byòbi mwà kwenzeka ne pashiishe, bòbò badyumvwe ne kí mbakùmbàne to, díbà adi, bàdi ne bukenji mu mbingu mikesè yidi yilonda bwà kulekela mudimu

awu, bwà mûngà muntu wàmòna mwà kusungudiibwa pa kaaba kààbò.

¹¹ Nànsha nànkù, ku cibangidilu cyà ditàbuluja dîndì (bu Nzambì mwà kwanyisha) muswè kwenzeja mwaba ewu mu tabernacle emu pândì ànu ne ngaapèciku ndambù wa diikisha, dîbà adi ndi—dîbà adi ndi. . .netùjidilè balami aba mu kubàtentekela byanza, balami ne mulami wa cibùcilu mu èkèleeziyà ewu. Kàdi dyàmbedi bàdi ne cyà kutèkiibwa ne—ne kumòna mùshindù ùdîbo bawùnangè ne mùdì disangisha diciswe. Dîbà adi pùkalàbi—dîbà adi pùkalàbi bîmpè nseke yònsò, dîbà adi tudi tujidila bantu aba bu balami, ànu mùdì Balubuludi basungùdiibwe mùshindù ùmwèumwè awu.

¹² Mbudìshikaminyi ne mikenji yà èkèleeziyà, ku Diyì dyà Nzambì. Ki bwà cinyì, aci, kabèèna ànu mwà kwamba ne “Ndi ngèèla meeji ne muntu ewu mmufwànyine kwikala muntu mwimpè,” kí mmwómò to, “Mwanèètù Neville ùdi wèla meeji ne muntu ewu mmufwànyine kwikala muntu mujaalàme,” anyi “kasumbù kà balubuludi kàdi kèèla meeji ne muntu ewu mmufwànyine kwikala muntu mujalàme.” Bìdi ne cyà kwenzekela kùdi èkèleeziyà! Muntu nànsha umwe kèna ùdyènzela ní ncinyì ní ncinyì mu yèyè mwaba ewu nànsha. Ndisungula dyà èkèleeziyà. Ng’èkèleeziyà mudìshikàmine.

¹³ Mukàndà wà kale wà tunungu wàkanyanguka mu nkòkà wa màyi wa mu cidimu cyà 1937. Tudi batentùlùle twòtù atu, nènku netùtùlèmbèlèjè ku cimanu mwab’ewu mu matùkù makesè emu, midimu yà balubuludi, balami, balami bàà cibùcilu, ne bikwàbò, mpaasàtà, bàkwàcishi, ne bikwàbò.

¹⁴ Ku ngàsà wa Nzambì, bàvwa bangambìle, ne byà pa lukàmà lukàmà byà disungula dyà kasumbù kàà èkèleeziyà ewu, ne mbasangàne ne Mwanèètù Hollin Hickerson mmuntu mwakàne, wakuneemekiibwa, mmukùmbànyine mulongo wà kaaba aka bwà kupeta lu—luumu lunène lwà kwikala mulami wa tabernacle ewu.

¹⁵ Kàbìdì tudi basangàne ne, ne ku disungula dyà kasumbù, ne Mwanèètù Collins mmusangànyiiibwe pèndè ne mmuntu wakuneemekiibwa ne mwakàne. Bu mùdiye mwambì, yèyè mwinè, ki bwà cinyì tudi mwà kumulòmba bwà kulwayè ne kwikala mu—mulami wa èkèleeziyà; kí ng’ànù mulami cyanàànà to, kàdi mukwàcishanganyi ne Mwanèètù Neville, ne pàmwàpa mu kàlaasà kàà Dyàlumingu, anyi bwà kwangata kaaba kàà Mwanèètù Neville, anyi ní ncinyì cyònsò cidìye mubiikidiibwe bwà kwenza bu mukwàcishanganyi ne Mwanèètù Neville aci. Ki Mwanèètù Collins awu.

¹⁶ Nènku, kàbìdì, èkèleeziyà mmusangàne, ne mwanyishe, ne Mwanèètù Tony Zabel, mmuntu wakuneemekiibwa ne mwakàne, ne mmwanyishiibwe kumpàla kwà kasumbù kàà balubuludi

ne bampaasàtà, bwà kumulòmba bwà kwangata mudimu wà bulami mu mwine tabernacle ewu.

¹⁷ Ne mbalòmbe kàbìdì, ne mbasangàne muntu wakuneemekiibwa munkaci mwètù... (Kí...ki ng'ànu aba nkààyabò bàdì bantu bàakuneemekiibwa to, mpindyewu, kàdì mbasòbola ànu kùdì kasùmbù.) Mwanèètù Taylor wa ku Henryville, anyi Memphis, ngèèla meeji mmwòmò, Memphis, mu Indiana. Ùdì neetù kùkaadi matùkù, ùkwàta mudimu wà bu wisiyè ne cyònsò cìvwà mwà kwikalaku aci. Awu ke udi èkèleeziyà mwanýishe, anyi kasùmbù ne baampaasàtà, bwà neùdikù mwà kwitaba mu—mudimu munène bu wà kwikala mulami wa mwine èkèleeziyà ewu.

¹⁸ Ne bàvwa kàbìdì balòmbe mukù wa Mwanèètù Mike Egan, Mwanèètù—Mwanèètù Bob Harned, ùvwa musòbòdìibwe kùdì kasùmbù ne kùdì baampaasàtà, bwà kwitaba mudimu wà mulami wa cibùcilu wa tabernacle mwine ewu, cidì ciikàle mudimu wàkuneemekiibwa, ne ùdì ùlòmba bwakàne ne luumù.

¹⁹ Mu dyenza dyà cyòci eci, ndi ngèèla meeji ne, bânà bèètù, bwà kunùbìikidila apa, aci ncifwànyine kwikala luumù kunùdì. Kàdì kaciyi ànu aci to, kàdì ncintu kampàndà cyà dyenza.

²⁰ Pa díbà edi ndi ndòmba Mwanèètù Neville, mukwàcishanganyi neetù, bwà kubala bìdì bilòmbìibwe bwà mulami. Mwanèètù Neville, bu wèwè mwà kucibadila mu Dìyì dyà Nzambì. [Mwanèètù Neville ùdì ubala Timòòtè wa Kumpàla 3.8-13—Muf.]

[Byà mwomùmwe kàbìdì balami bàdì ne cyà kwikala bajaalàme, kabàyi beena mpàla yìbìdì nànsha, kabàyi badifile ku dinwà dyà mvinyo wabùngi, kabàyi beena lukùkà lwà mfranga yà manyaanu to;]

[Balamè bwalu busokoka bwà diitabuujà mu kondo kàà mwoyi kakezùke.]

[Nènku bóbò aba pààbò bìikalè bateecùibwe dyàmbedi; pashùshe nùbàlekèlè bàkwate mudimu wa bulami, kabàyi kabandàbàndà.]

[Ànu mùshindù awu ke ùdì bakàjì bààbò kàbìdì ne cyà kwikala baakàne, kabàyi beena kabwabwa, bapole, beena lulamatu mu maalu ónsò.]

[Balami bìikale balùmè beena mukàjì umwe, bálombola bânà bààbò ne nzùbu yàbò bìmpè.]

[Bwalu aba bàakakwàtà mudimu wa bulami bìmpè mbàdìpetele mulongo mwìmpè, ne ditwà dinène mu diitabuujà didì mu Kilistò Yesù.]

²¹ Amen. Mwya njinga ne pa díbà edi ngaalòmbàku bânà bèètù bàdì babìikidìibwe aba, ne bàdikù mwà kuseemena kumpàla eku ku cibumbà cyà ku cyambilu eku bwà katanci kakesè cyanààna. Nènku patùdì twinyika mitù yètù katanci kakesè cyanààna

bwà disambila apa, ndi muswè bwà bôbò. . . Nènku èkèleeziyà mmumanyè cidi bwalu ebu, ne eci nkusungula kasumbù kèènù kàà balami ne mulami wenù wa cibùcilu.

²² Mukalenge Yesù, nne meeji mapòle, ne à difwànà dyà Nzambi atùdi tulwa naawù Kùdi mpindyewu. Tudi tulwa mu kaneemu kàà Dîyi Dyèbè Ditàmbe Cijila, tudi tulwa biikàlè twitabuuja ne “Dîyi dyà muntu yònsò diikalè mashimi, kàdi dyà Nzambi diikalè dilelèlà.” Nènku tudi ne kusàkidila Kùdi bwà Èkèleeziyà ewu udi Yesù musùmbe ne Mashi Èndè Sungasunga à mushinga mukolè awu, ne mutùpe nzùbu ewu bwà kukuukwilamù.

²³ Nènku bu batàngidi bàà cisumbù cinène eci cyà mikòòkò, cidi Nyumà Mwímpè mututèèke bwà twètù kwikala, tudi tuteeta mpindyewu bwà kuleeja disangisha edi musumbà wà lulamatu, mwakàne wà bantu batùdi twitabuuja ne mbùjiiibwe ne Nyumà ne badilongolole bwà mudimu. Bu mùvwàbi byambiibwe musangu kampànda bwà kasumbù kàà balami ne: “Ndàayi nukadikèbèlè munkaci mwènù, bantu bàà luumù lwímpè ne biikàlè ne Nyumà Mwímpè, bwà bààmònakù mwà kukwàta mudimu mu mùshindù ewu, bwà kucyùka bakàji bakàmbà ne bânà bàà nshiya, bwà kwabanya mfranga, ne kucyùka bilenga byà èkèleeziyà.” Bidimu byà kale byàbya, tudi babalè ànu mifundu yà Pòlò, musantu munène, musonsòdiibwe awu, udi upàtula diyi dyamba dyà mu Mifundu dyà bìdi bilòmbiibwe bwà myaba yà mùshindù ewu.

²⁴ Nzambi, twàku bantu aba mushinga. Nènku mpindyewu ndisungula, Mukalenge, bu èkèleeziyà mudishikàmine, bu mubidi wà Mukalenge Yesù, bwà bôbò kwenza disungula edi. Ne . . . [Katùpà kàà mukàbà wa mèyi munda mutupù—Muf.] . . . ne ùludikè citùpà eci cyà mudimu mu mùshindù wa pabwàwù, mu Dìna adi dyakàne ne dyà cijila dyà Yesù.

²⁵ Mpindyewu ne mitù yètù miinyika, kî ng’ànù mitù yètù to kàdi myoyi yètù, ne bu mùdi cidimba cyònsò cyà èkèleeziyà ewu, citù cilwa pa ciibidilu mwab’ewu bwà kutwà mpànda ne byàdikumi byènù ne milàmbù, cidi cibadiibwa bu cidimba cyà èkèleeziyà ewu, pàdi mpaasàta ne mèmè, nkààyetù, batàbàle, mpaasàta mukwàcishanganyi naanyi, Mwanèètù Neville, ne mèmè batàbàle, ndi muswe kukonka ne èkèleeziyà ewu mmusangàne ne Mwanèètù Taylor mmuntu udi mwà kusungudiibwa, ne ngeelèlù wenù wa meeji mutàmbe bulenga, bwà kwikalayè mulami kumutù kwà musumbà wà bantu ewu anyi? Nenùleeje nànkù ku dyela dyà cianza cyènù muulu. [Mwanèètù Branham ùdi wikisha—Muf.] Mbímpè. Mpindyewu kwòkò udi ubènga, udikù mwà kwela cianza cyèbè muulu. [Mwanèètù Branham ùdi wikisha.] Twasàkidilaayi.

²⁶ Kùdikù umwe wa ku bidimba byà èkèleeziyà ewu udi musangàne ne . . . ne bònsò, nudi basangàne ne Mwanèètù Hollin Hickerson mmuntu mwakàne ne wakuneemekiibwa, ne mmuntu

udi usanganyiibwa ku mèsù kwènù mukùmbàne bwà kulwayè mulami wa èkèleeziyà mwine ewu anyi? Nudikù mwà kucileeja mu kwela kwà cianza cyènù cyàbalùme muulu. [Mwanèètù Branham ùdi wikisha—Muf.] Kwòkò udi ubènga, nàнку elàaku cianza muulu. [Mwanèètù Branham ùdi wikisha.]

²⁷ Disangisha edi didi disangana ne Mwanèètù Collins ùdi byà mwomùmwe, muntu mwakàne ne wakuneemekiiibwa, ne mukùmbànyine mudimu wà kwikala mulami wa èkèleeziyà ewu anyi? Nudikù mwà kwela cianza muulu anyi. [Mwanèètù Branham ùdi wikisha—Muf.] Èyo. Udi ubènga, udi kù mwà kwela cianza cyèbè muulu. [Mwanèètù Branham ùdi wikisha.]

²⁸ Disangisha edi ndisangàne ne Mwanèètù Tony Zabel ewu mmuntu wakuneemekiiibwa ne mukùmbànyine mudimu ewu, wà kwikala mulami kumutù kwà kasùmbù kàà mìkòòkò eyi mu èkèleeziyà mwine ewu anyi? Nudikù mwà kwela cianza cyènù muulu. [Mwanèètù Branham ùdi wikisha—Muf.] Udi mubènge, elà cianza cyèbè muulu. [Mwanèètù Branham wikisha.]

²⁹ Disangisha edi ndyumvwe ne Mwanèètù Harned mmuntu mukùmbàne ne mwakàne, udi neetù kukaadi cikondo ewu, bwà kwikala mulami wa cibùcilu, mufùndi mulami wa cibùcilu wa èkèleeziyà ewu, bwà kulama mpetu yèndè ne kufuta fakètìlà yèndè anyi? Byòbì nàнку, elàayi cianza cyènù muulu. [Mwanèètù Branham ùdi wikisha—Muf.] Kùdi udi ubènga anyi, elà cianza cyèbè cyàbalùme muulu. [Mwanèètù Branham ùdi wikisha.]

³⁰ Ndi njinga kwambila ba—bàna bèètù bàdi biimàne kuulu pa dìbà edi, kwìnshì kwà nkùrusè ne, èkèleeziyà ewu, ne mèyi lukàmà pa lukàmà (kakùyì dīyì didi dibènga nànsha dikesè), mmunúsangàne bònsò bakùmbàne ku mèsù kwà Nzambì bwà mudimu ewu ùdi Nzambì munùbìkìdile.

³¹ Mpindyewu, nwènù, mùdìbo bàmbe ne: “Bǎnjì kuteeciibwa dyàmbedi, bwà kumòna ní bàdi bǎjinga mudimu ewu.” Munda mwà mbingu mikesè, bu Nzambì mwà kwanyisha, nèngààlukilè bwà kutentekela kasùmbù kàà bantu aka byanza, bwà kubènza balubuludi bamanyik-. . . ànyi balami bàà mu èkèleeziyà ewu, ne mulami wa cibùcilu.

Twìnyikàayi mitù yètù ànu bwà katùpà kakesè cyanààna:

³² Mukalenge, tudi ne disànkà dilòlò edi dyà ne kùcidi bantu baciikàle ànu ne mwoyi pa buloba bàdi mwà kwenda mu difwàna dyà Nzambì kumpàlà kwà bàà buloba; ne difwàna dyà Nzambì menemene mu mùshindù wà ne tabernacle kampànda, ne tunungu tuumisha bu mùdì ewu naatu emu, ùdi mwà kusungula bantu bàtaanu mu mwaba wà balombodi bààbò, kakùyì dīyì òmwe dibènga to. Tudi ne disànkà bwà bwalu bwàbò, ne tudi tuumvwa ne Wèwè uvwa nèètù mu dyangata dyà mapàngadika aa, kasùmbù aka ne twètù baampaasàtà.

³³ Nzambi, bèneshàku bantu aba. Nènku bàkwate mudimu ewu ne mwoyi wàbò wónsò, bamanyè ne cidi cibàpetela mulongo munène mu Dyulu. Dìngà ditùkù pìikalà Mikàndà yà mu Dyulu ne cyà kubwikidiibwa, swàkù bwà Mukàndà wa bantu bàà mu dyulu ne mu Mukàndà munène wà Dyulu ùkàngudiibwè, swàkù bwà ménà àbò ìkalè lukàmà pa lukàmà kumpàla kwà Nzambi ne Musungidi ne bilwilu byònsò byà mu Dyulu, bwà kwikalabi byà mwomùmwe mu Bukalenge Bwèndè. Bàbènèshèku, Mukalenge, ne swàkù bwà bàkwatèku mudimu ewu bimpè. Mu Dìnà dyà Yesù mmutùdì tuKwela twasàkidila bwà bwalu bwàbò. Amen.

³⁴ Ndi muswè ànu kunùlabula ku byanza, Mwanèètù Harned, ne Mwanèètù Zabel, ne Mwanèètù Collins, Mwanèètù Hikerson, ne Mwanèètù Taylor. Ne disànkà dyàbùngì menemene bwà kumanya ne tudì babwele mu bwobùmwe cikondo cyònsò eci ne bantu bààkuneemekibwa bàà mùshindù ewu. Nzambi ànùbènèshè mpindyewu. Nènku netùnùmòne matùkù kumpàla eku, mu katançi kakesè emu mùndì nkèba kwikishakù ndambù emu, bwà kwalukila, ne kumòna munùdì banange mudimu wènu. Bimpè, ku disungula dyàbò, ngèela meeji ne bivwa lukàmà pa lukàmà, kàkùyi dīyi nànsha òmwè dibènga to.

³⁵ Kaa, kanwènaku ne disànkà dyà kwikala badisànge ne bantu leelù ewu bàdì mwà kwenda kumpàla kwà Nzambi, ne difwànà dyà Nzambi, ne kwikala ne mwoyi mu buloba butùdì ebu mu ngiikàdilù awu anyi? Ncintu cilenga be.

³⁶ Ne ndi ne disànkà dyàbùngì dyà kumanya dilòòlò edi ne ndi ne dyèsè dyà—dyà kwikala ne bantu aba ne èkèleeziyà ewu biikàle balundà bàanyi. Ndi ne disànkà dyà mùdì Nzambi mwenze ne ndisangishè ne Èkèleeziyà Wèndè pa buloba bujimà. Kaa, mbadyombòdiibwe ne balekela ne bènda bàbàmba mambàvi, nènku ànu bu mungàmbi mu dindà emu mu diyisha dyanyi, pàmwàpa basopi bàà bitoci, mùshindù wùdì bàà pa buloba bàbàtàngila, bu “musumbà wa bakoleshi bàà maalù,” kàdì Nzambi ùdì ùbàtàngila bu bânà Bèndè. Ndi ne disànkà dyàbùngì be bwà cyòci aci. Mbàfwànyine kwikala kabàyi bamanyè mwà kunwàmbila ntàntà wa kilòmèètà yà kuumukila apa ne ku ngondo to. Mbafwànyine kwikala kabàyi bakùmbàne mwà kwamba ndongolwelu wa mabùlungù wónsò ne mùshindù ùdiwu akwàta mudimu to. Kàdì kùdì cintu cimwèpelè cidìbo bamanyè menemene, mbamanyè dībà dyàkaledìibwàbo cyàkàbìdì. Ndi ne disànkà dyàbùngì be bwà bwalu bwàbò.

³⁷ Byènze bu kaamùfwanù kakesè kangààkayillà, nènku nènkasangishe dilòòlò edi ne bânà bàanyi bàà bakàji batekète bàbìdì bwà kwenza bwà twètù kucyumvwa bimpè, bwà kucivwija cilelèlè kutùdì, bwà nwamòna mwà kuumvwa dyumvwija dyàci. Dindà kampànda, ncijukilakù mu bulàalù . . . Ndi ne bânà bàà bakàji batekète bàbìdì. Wumwe wa kùdìbo n’Rebekah, ne wumwe wa kùdìbo n’Sarah, nènku mbânà bàà bakàji batekète bàà papa.

38 Nènkù ndi ne mwânà mukesè wa balùme, Joseph. Mwva mfùmìna ku Chattanooga, ngùumukila mu disangisha dilòòlò kampànda, pàmvwà kuntwaku mu cibilù cyà bukèbikebi cyà ndekeelu eci. Nènkù mwva nsanganyibwa mu—kàshinyi, ngenda nya ne mwanàanyi wa balùme mukùlumpè, Billy. Mukàjèndè ne Meda bàvwa mu kàshinyi, ne bânà bàà bakàji. Nènkù patùvwa munkaci mwà kwendesha, muntu nànsha umwe kàvwa mwakule cintu nànsha cimwè mu ntàntà wa mìsèèsù yàbùngì. Kàbìdì mwva mutàpe bantu ku mwoyi bikolè dilòòlò adi bwà mùshindù ùvwàbo bènza maalu. Ne muntu nànsha umwe kàvwa mwakulè bwalu nànsha bùmwè to. Ki Joseph mwânà kunguupukilayè ku dikaaya, wàmba ne: “Papa, udi muyiishe muyishilemu dilòòlò edi!”

39 Nènkù mu dindà emu, pàmvwà ngùumuka mutàngile ku Mùsèèsù wà Mwandamukùlù ne wà Dikumi, kùdì. . . anyi wà Penn ne wà Dikumi’s, wè, muntu nànsha umwe kàvwa mwàmbè cintu kampànda to, mukàjàanyi ne bânà bàà bakàji bàbìdì. Ki Joseph mwânà kunkwàtayè kàbìdì pa dikaaya, e kwambayè ne: “Papa, ne, mwva mwanyishe bikolè diyiiisha dyà mu dindà emu be,” mwàkambàye.

Mémè ne: “Èè, ndi ne fanatike umwèpelè, mmwânàanyi wa balùmè.”

40 Nènkù tupingane ku dyakula dyètù dikesè. Mbìika dindà kampànda, musòmbe mu cibambalu, ki Becky mwânà kulwayè lùbilu ne, wàmba ne, kudibaalayè pa mukòlò wànyi ne kungelayè dibòko ku nshingù, ne yèyè’s mmwânà wa bakàji mutekète wa papa. Nènkù ùvwa ùngupukila. Ki Sarah mwânà kukàtamukayè mu bulàalù muvwàle pijamas yèndè mikesè ne ùvwa, kwamba, ùlwa wènda ùnyeema lubilu mulondelè. Yèyè ngwa mèsù makesè à mafìkùlùke.

41 Becky mutekète awu ùvwa mwà kwamba ne: “Kaa, Sarah, kabyèna bikèngela bwà wèwè kulwa to, bwalu ndi ne Papa yònsò bwànyi mémè nkààyanyi. Papa ng’wanyì yònsò!” Ki Sarah mutekète, mubètèkè tushìkù twèndè tukesè atu, twìsù twèndè tukesè tufìkùlùke atu tubwita. Mémè e kumuvinya ku dísù mùshindù ewu koolola cinù cikwàbò, ki yèyè kulwa kusòmbarù mubàle mikòlò.

42 Becky ùdi ne mikòlò mile, nànkù yìvwa mifwànyine kutwà panshì. Sarah mutekète awu ùvwa ùtètuka, ki mémè kujìngila Sarah mabòkò ànyi ónsò. Ki Sarah mutekète awu kutàngilayè Becky kwamba ne: “Becky, udi mwà kwikala ne Papa yònsò, kàdi Papa ùdi naanyi mémè yònsò!”

43 Nènkù ndi ngèèla meeji ne ke mùshindù ùdìbi nànkù mwab’ewu. Tudi bafwànyine kwikala bapange kumanya tèlòlòji yònsò ne myàkù yònsò minène yà cyena Ngèlikà, musumbà wà bantu ewu ùdi mwà kwikala kawùyi mumanyè to. Kàdi kùdi

cintu cìmwèpelè cyà bushùwà, ndi ngiitabuuja ne Yesù ùdi *neetù* bônso. Amen.

Èyo, Mwanèètù Neville. 🕊

58-0720E Ditàèka Dyà Balami
Branham Tabernacle
Jeffersonville, Indiana États-Unis

CILUBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Dîyi dya bwena-cintu

Makenji ônsò tudi badilamininyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwè anyi bwa kupeeshangana, kabiyi bya mfranga to, bu cintu cya kutangalaja naaci Evanjeeliyo wa Yesu Kilisto. Mukanda ewu kawenaku mwa kusumbishiibwa, kuvudijiiibwa bya bipitepite, kwediibwa mu cibànzà cya lùntàndalà, kulamiibwa mu cikàlwilà, kukudimunyiibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyi wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org